

Месяца августа в 8-й день

Первое и второе пренесение честных и многоцелёбных мощей
преподобных и богоносных отцев наших
Зосимы, Савватия и Германа,
Соловецких начальников и чудотворцев
*в лето 7074 (1566) пренесены быша мощи святых Зосимы и
Савватия от предел во свою им церковь;*
*в лето 7500 (1992) пренесены быша мощи святых Зосимы,
Савватия и Германа из града святого Петра во обитель Соловецкую*

На малой вечерни

На Господи, возвах: стихиры на 4, глас 1.

Подобен: Небесных чинов:¹

На небо возносящи,/ криле Евангельских доблестей
восприимше,/ отцы святии, премирных достигосте/ и, тамо
водворяющесе,/ Зосимо, Савватие и Германе,/ наслаждаетеся
неизреченных благ.

Небесных благ желающе,/ мирская сладкая отвергосте,/ алчбою и
жаждою томяще себе,/ ненасытимыя сладости рачителие бысте,/ юже
ныне воистинну обретосте,/ отцы преподобнии Зосимо, Савватие и
Германе.

Дольняя, яко преходящая,/ отвергше разумно,/ вышня присто
пробывающая возлюбисте,/ блаженнии отцы Зосимо, Савватие и
Германе,/ и тамо водворяетесе/ добродетелей восхожденными.

Воздержанием сласти попрасте/ и слезными источники пламень
погасисте страстей;/ темже, землю ныне кратких наследовавше,/
свеселяетесе преподобным и праведным,/ отцы святии/ Зосимо,
Савватие и Германе.

Слава, глас 2:

Приидите, постническое сословие,/ днесь ублажим сущия
воистинну блаженныя отцы;/ постником бо уобрение явишася,
добродетельми украсившесе изрядно./ Темже, любовью сошедшесе,
духовне торжествуем,/ к нимже возопийм:/ о преподобнии отцы
Зосимо, Савватие и Германе,/ яко имуще дерзновение ко Христу Богу/

¹ Разделители в стихирах, положенных на подобны, поставлены в соответствии с необходимым количеством мелодических строк для пения подобнов Оптиным напевом.

мир и оставление испросите/ любовь чтущим всечестную память вашу.

И ныне, праздника, глас 8: Мрак законный:

На стиховне стихиры, глас 2.

Подобен: Дóме Евфрафов:

Дом добродетелей/ вы покажетесь/ и приятелище дарованием,/ отцы преподобнии/ Зосимо, Савватие и Германе.

Стих: Честна пред Господем/ смерть преподобных Его.

Страстей победителие,/ плоти томителие,/ языку воздержателие,/ сластем умертвителие бысте,/ преподобнии Зосимо, Савватие и Германе.

Стих: Блажен муж бояйся Господа,/ в заповедех Его восхощет зело.

Чистыми вашими молитвами/ Бóгови приближившисья,/ благодать имате/ нечистыя отгоняти дýхи от человек,/ преподобнии отцы Зосимо, Савватие и Германе.

Слава, и ныне, Богородичен, глас и подобен тойже:

Обрадованная, радуйся,/ Яже Радость миру рождающая,/ Христа Жизнодавца,/ и праматернюю, Дéво,/ печаль отъемшая.

Тропарь писан на велицей вечерни. Слава, и ныне, праздника.

На велицей вечерни

Блажен муж, 1-й антифон. На Господи, возвах: **стихиры на 10: праздника 4 и преподобным 6, глас 8.**

Подобен: О, преславнаго чудесе:

Отцы преподобнии/ Зосимо, Савватие и Германе,/ вперивше ум ваш к Бóгу верою,/ мирскаго смешения возгнушались есте не постоянного/ и, крест ваш взявше, Всевидцу последовали есте,/ тело непокоривое/ подвиги воздержания/ помыслу поработивше,/ силою Божественнаго Дýха.

Отцы Богомудрии/ Зосимо, Савватие и Германе,/ вы, от утробы матери Христу приближившисья,/ всем смыслом Тому прилежали есте/ и, добродетельными цветы украшаеми,/ от ваших подвигов Бóгу Вседержителю/ плоды достойныя принесли есте, преподобнии;/ темже благих наслаждение/ восприяли есте, досточуднии.

Преподобнии отцы и премудрии/ Зосимо, Савватие и Германе,/ болящим вы явились есте исцеление/ и хромым хождение,/ всем же, притекающим с верою/ к цельбоносным мощем вашим/ и просящим помощи и заступления,/ молитвами вашими/ милости неоскóдно подаваете.

Ины стихиры преподобным, глас 2.

Подобен: Егда от Древа:

Егда уязвились есте/ божественным желанием,/ тогда вся, яже в мире красная, ни во чтоже вменившие,/ Христу Спасителю последовали есте;/ богатство же мимотекущее доблественно презревше,/ славу и могущество,/ яко ничтоже сущее, отвергли есте;/ молитве, молим вас,/ спасти и просветити души наша.

Егда Божественное рачение найде на вас, преподобнии отцы,/ тогда житейския молвы отлучившися,/ в Поморие пустынное отыдоште,/ таже в морской остров удалившися,/ в нем многа лета терпеливнне подвизались есте,/ мужественно со враги невидимыми борящися,/ ихже и победите силою Христовою;/ темже венцы славы прияли есте от Христа Бога,/ Емуже молитесь о чтущих честную память вашу.

Егда обеты иночества Господеву воздали есте,/ тогда умное око бодрственно на Небо вперивше,/ мысленныя враги слезами потопили есте;/ и непорочно ходити в путех закона Господня душу утвердивше,/ Зосимо, Савватие и Германе,/ дерзновение к Богу стяжали есте./ Сего ради молим вас:/ Того молитве/ спасти и просветити души наша.

Слава, глас 1:

Днесь пресветлая нам настá память/ преподобных отец наших/ Зосимы, Савватия и Германа,/ юже сошедшея достойно почтим,/ во псалмах и песнях и пении духовных взывающе,/ и тех чудотворным мощем предстояще, сиче рцем:/ радуйтесь, сокровища неистощимая;/ радуйтесь, источники благодати приснотекущии;/ радуйтесь, превозделенныя нам цельбоносныя мочи вселюбезных отец наших;/ радуйтесь, люботрудныя плоти показующии;/ радуйтесь, благоухающии нам священныя ароматы./ О, чудотворивыя мочи,/ целующе вас, приемлем благодать/ и Благодателя Бога прославляем,/ прославляющаго рабы Своя богатыми дарованиями,/ вопиюще Ему:/ о всех Благий Господи, слава Тебе.

И ныне, праздника, глас тойже: Иже древле:

Вход. Прокимен дне. И чтения 3 преподобническая.

На литии стихира храма и преподобным, глас 1:

Преподобнии отцы Зосимо, Савватие и Германе,/ сошедшея любовию в память вашу/ ко всечестным и чудотворным вашим мощем,/ светло торжествующе и во гласех песенных поюще, вопиём:/ молитесь Господеву, помилуютися душам нашим.

Светлая ваша память,/ преподобнии отцы наши/ Зосимо, Савватие и Германе,/ нам сердца просвещает:/ зряще бо честныя ваша мочи,/ врачевство страстем неудобь целымым,/ прославляем прославльшаго вас Господа/ и ваша труды и подвиги венчавша благодатию./ Усердно и

мы подвигом и трудом е́мшеся,/ ва́шею стезе́ю позна́хом ходи́ти вослед
Христу́ Бо́гу,/ Егóже мо́лите спасти́ и просвети́ти ду́ши на́ша.

Глас 2:

Предстоя́ще честны́м моще́м/ преподо́бных оте́ц на́ших, о
празднолю́бцы,/ возопи́ем похва́льными гласы, глаго́люще:/ ка́ко вас
ублажи́м, Зоси́мо, Савва́тие и Ге́рмане,/ на земл́и пожив́ших па́че
челове́к/ и в Вы́шних блажи́мых со все́ми уго́ждшими Го́сподеви?/ С
ни́миже предстоя́ще во све́те Божество́ннем,/ мо́лите, мо́лим вас,/
изба́витися нам от собла́знов греховных/ и спасти́ся душáм на́шим.

По успе́нии ва́шем, блаже́ннии Зоси́мо, Савва́тие и Ге́рмане,/
учи́тели нам быва́ют мо́щи ва́ша,/ при́сно бо излива́ют чудеса,
наставля́юще:/ возлюбите́ Го́спода, да обря́щете благода́ть ве́чную/ и
ничто́же па́че Егó почтíte,/ да егда́ прии́дет, обря́щете поко́й со
избра́нными Егó./ Егóже да улучи́м ва́шими моли́твами, преподо́бнии.

Глас 4:

Днесь соше́дшеся, бра́тие,/ духо́вне почти́м преподо́бных оте́ц
на́ших/ Зоси́му, Савва́тия и Ге́рмана,/ и́же постóм телеса́ сво́я
изнури́ша,/ воздержáнием стра́сти потреби́ша и бде́нием ум очисти́ша,/
моли́твами же ду́ши просвети́ша,/ ничето́ю бога́тство при́яша
благода́ти/ и послуша́нием Бо́га благопослу́шна стяжа́ша,/ чистото́ю
жили́ще Пресвята́го Ду́ха бы́ша;/ и́хже ра́ди, враго́в шата́ния Христóс
низложи́в,/ да́рует нам мир и ве́лию ми́лость.

Сла́ва, глас 8:

Мона́хов мно́жества/ наста́вники вас чтим, оте́цы святы́и,/ ва́ми бо
пу́ть пра́вый вои́стинну ходи́ти позна́хом./ Блаже́ни есте́, я́ко Христу́
рабо́тасте/ и вра́жию низложи́сте си́лу,/ А́нгелом собесе́дницы,
преподо́бным соприча́стницы и пра́ведным;/ с ни́миже мо́литесь
Го́сподеви,/ поми́ловатися душáм на́шим.

И ны́не, пра́здника, глас 5: Зако́на и проро́ков:

На стихо́вне стихи́ры, глас 8.

Подóбен: О, пресла́внаго чудесе́:

Прииди́те и приими́те, бра́тие,/ лию́щиеся благода́ти/ от моще́й
преподо́бных оте́ц на́ших/ Зоси́мы, Савва́тия и Ге́рмана,/ ти́и бо
подвиза́шася без ле́ности во вре́менной жи́зни/ и я́ко безплóтнии во
плóти пожи́ша./ Те́мже и при́яша да́ры от Христа́ Бо́га,/ и нам про́сят
очище́ния/ и ве́лия ми́лости.

Стих: Честна́ пред Го́сподем/ смерть преподо́бных Егó.

Цельбоно́сным ва́шим моще́м предстоя́ще,/ оте́цы на́ши Зоси́мо,
Савва́тие и Ге́рмане,/ прие́млем обильно́ благода́ть,/ всяк бо приходи́я с
ве́рою не посра́мится,/ прие́млет бо, и́хже тре́бует,/ прославля́юще вас

Господу,/ яко благоугодных рабов бывших своему Владыце/ и Того заповеди сохранивших./ Темже вас чтим и ублажаем.

Стих: Блажен муж бояйся Господа,/ в заповедех Его восхощет зело.

Источницы приснотекущи/ врачевства безмезднаго,/ честныя мочи ваша, досточуднии отцы/ Зосимо, Савватие и Германе:/ о великия благодати,/ о силы живоносных мертвецев!/ Ихже молитвами, Иисусе Царю,/ спаси души наша,/ яко Един Милосерд.

Слава, глас 4:

Веселится явлено Христово Церковь честная/ и торжествует светло,/ возсия бо днесь пресветлая и всепразднственная память/ пренесения честных мощей преподобных и богоблаженных отец наших/ Зосимы, Савватия и Германа,/ красящихся их многотрудными подвиги, яко многоценною одеждою,/ и вопиет хвалящихся и глаголющи:/ сицевая моя рождения, таковыи мой сынове,/ ихже Евангелием породих,/ воспитях же страхом Господним,/ и ныне преподобны вижу./ Приидите, постническое сословие/ и преподобных ликостояние,/ и радуйтесь со мною,/ имео бо в себе принесенное неистощимое сокровище,/ пречестныя и всебогатыя мочи преподобных отец,/ иже, ныне Престолу Божию предстоят и молятся,/ да милостив будет нам в День судный.

И ныне, праздника, глас 1: Твоего Единородного Сына:

На благословении хлебов тропарь преподобным, глас 8:

Яко светильницы явитесь всесветлии/ во отце окиана моря,/ преподобнии отцы наши Зосимо, Савватие и Германе:/ вы бо, крест Христов на ramo вземше,/ усердно Тому последовасте/ и, чистотою Божии приближившися,/ отонудуже силами чудес обогатитесь./ Темже и мы любезно притекаем ко святым мощем вашим и умилно глаголем:/ о, преподобнии, молитве Христа Бога/ спастися душам нашим.

Ин тропарь, глас 4:

Постническое и равноангельное житие ваше,/ преподобнии отцы Зосимо, Савватие и Германе,/ вселенней познаны сотвори вас:/ чудеянии бо различными, богоноснии, просвещаете/ верою призывающия вы и чтущия честную память вашу.

Слава, и ныне, праздника.

На утрени

На Бог Господь: тропарь праздника дважды. Слава, преподобным. И ныне, праздника.

По 1-й стихологии седален, глас 1:

Жити́е на землі́ благочестно сконча́вше,/ чи́сто селѣние Свято́му
Ду́ху яви́тесея/ и просвещаете́ иже ве́рою приходя́щия/ к честны́м
мо́щем ва́шим, блаже́ннии./ Те́мже моли́те Влады́ку Христа́ Бо́га,
богомудри́и отцы́ Зоси́мо, Савва́тие и Ге́рмане,/ просвети́ти ду́ши
празднующих всечестну́ю па́мь ва́шу. **Два́жды.**

Сла́ва, и ны́не, пра́здника.

По 2-й стихоло́гии седа́лен, глас 5:

По́стники Господни́ пе́сньми почти́м,/ я́ко умертви́вшия вся
прило́ги страсте́й/ воздержани́ем твёрды́м и крѣпким терпѣнием/ и
посрамивши́я сопроти́внаго всю горды́ню./ Ны́не моли́тесея Го́сподеви,/
преподобни́и отцы́ Зоси́мо, Савва́тие и Ге́рмане,/ поми́ловатесея ду́шам
на́шим.

Сла́ва, и ны́не, пра́здника.

Велича́ние:

Ублажа́ем вас,/ преподобни́и отцы́ на́ши Зоси́мо, Савва́тие и
Ге́рмане,/ и чтим святу́ю па́мь ва́шу,/ наста́вницы мона́хов,/ и
собесе́дницы А́нгелов.

Псалом избра́нный:

Терпя́ потерпѣх Го́спода, и внят ми, и услы́ша моли́тву мою́.
Поста́ви на ка́мени но́зе мой, и испра́ви стопы́ моя́.
Се удали́хся бе́гая, и водвори́хся в пусты́ни.
Уподобихся не́ясыти пусты́нней.
Бдех, и бых я́ко пти́ца осóбьящаяся на зде.
Колѣна моя́ изнемогóста от поста́, и плоть моя́ измени́ся елѣя ра́ди.
Слезáми мои́ми постѣ́лю мою́ омочу́.
Я́ко обыдо́ша мя пси мно́зи, сонм лука́вых одержáша мя.
Напрягóша лук свой вещь гóрьку, состреля́ти в та́йных
непорóчнаго.
Предзрѣх Го́спода предо мно́ю вѣну, я́ко одесну́ю менѣ́ есть, да не
подви́жуся.
Вси язы́цы обыдо́ша мя, и и́менем Господни́м противля́хся им.
Благословѣ́н Господь, И́же не даде́ нас в лови́тву зубóм их.
Да испове́дятся Тебе́, Го́споди, вся дела́ Твоя́, и преподобни́и Твои́
да благословя́т Тя.
И увѣдите, я́ко удиви́ Господь преподобна́го Своего́.
И утрудися́ во век, и жив бу́дет до конца́.
Храни́т Господь ду́ши преподобных Свои́х.
Восхва́лятсея преподобни́и во сла́ве и возра́дуютсея на ло́жах свои́х.
Честна́ пред Го́сподем смерть преподобных Его́.
По́йте Го́сподеви, преподобни́и Его́, и испове́дайте па́мь
святы́ни Его́, во всех лю́дех чудеса́ Его́.

Слава, и ныне: Аллилуиа, трижды.

По полиелее седален, глас 8:

Егда, блаженнии, к Божественному желанию ум свой вперисте,/ тогда остависте вся долу влекущая мудрования/ и в пустыню вселитесь в морской остров,/ идеже процветосте, яко кедри, добродетельми прекраснии,/ страстей искоренившие терние,/ и в нем насадисте плоды трудов своих,/ темже и пожаете рукояти,/ неотъемлемо богатство на Небесех./ Зосимо, Савватие и Германе преподобнии,/ молитесь Христа Бога/ согрешений оставление подати/ чтущим любовь святую память вашу. Дважды.

Слава, и ныне, праздника.

Степenna, 1-й антифон 4-го гласа. Прокимен, глас 4: Честна пред Господем/ смерть преподобных Его. Стих: Что воздам Господеву о всех, яже воздаде ми? Всякое дыхание: Евангелие от Матфея, зачало 43.

По 50-м псалме стихира, глас 6:

Преподобнии отцы,/ слух свой смиренно Евангелию Христову приклонивше,/ звание от Вышняго во обители Небесных приясте/ и, Тому верно последующе,/ мира красная во уметы вменисте/ и единыя доброты вожделесте Христа;/ Емуже прилежно молитесь,/ низпослати миру мир и Церквам единомыслие,/ стране нашей на враги одоление,/ братии обители вашея единокорные и смиренномудрие/ и душам нашим велию милость.

Канона два: праздника, со ирмосом на 6, ирмос по дважды; и преподобным отцем, на 8. Катавасия, глас 4: Лицы израильстии:

Канон преподобным, глас 2.

Песнь 1

Ирмос: *Грядите, людие,/ поим песнь Христу Богу,/ раздельшему море и наставьшему люди,/ яже изведе из работы египетския,/ яко прославися.*

Припев: Преподобнии отцы наши Зосимо, Савватие и Германе, молитесь Бога о нас.

Просвещением Трисолнечнаго Божества озарившися, премудрии,/ светила явитесь осияющая всюду:/ тем и нас, страстями омраченных,/ просвещением благодати озарити помолитесь/ и сущаго получитьи спасения.

Светом Божественных благодати просвещаемы,/ Зосимо, Савватие и Германе преблаженнии,/ верно светоносную вашу память торжествующих просветите/ и от тьмы греховных молитвами вашими, преподобнии, избавите.

Духу Святому храми, премудрии, бысте,/ и к Нему все духовное желание обратисте,/ и сего ради кратких землю наследовасте./ Темже

бурю страстей наших укротите, преподобнии,/ да в тишине божественней песнословим ваша подвиги.

Богородичен: Лютыми страстей наветы обуреваемы есмь, Отроковице,/ и прилоги греховными погружаемь;/ к Твоему единому тихому и невлаемому пристанищу любовию прибегаю, Всепетая:/ ущедривши спаси мя, Приснодево.

Песнь 3

Ирмос: На камени мя веры утвердив,/ расширил еси уста моя на враги моя,/ возвесели бо ся дух мой, внемди гласи:/ несть свят, якоже Бог наш,/ и несть праведен, паче Тебе, Господи.

Высотой смирения украшаемы,/ Зосимо, Савватие и Германе преподобнии,/ все тебе желание ко Владыце своему простросте,/ яростная же движения на враги вооружисте,/ со изрядными делы своими, постом и молитвами.

Плотей своих востания крепким пощением, преподобнии, умертвивше,/ обителище бысте Владычине;/ Егже умолите избавитися скорбей и мучительства страстей/ с верою притекающим к вам, преблаженнии.

Имуща споспешествующу божественную силу,/ исцеления безчисленная источают мощи ваша, Зосимо, Савватие и Германе преподобнии:/ отгоняют от человек болезни телесныя/ и душевныя страсти врачуют подвиги вашими, всечестнии.

Богородичен: Труждает мя буря греховная/ и возмущение безместных помышлений:/ умилосердися, Всенепорочная, и руку ми помощи яко Милостива простри,/ да спасен величаю Тя.

Кондак и икос праздника.

Седален преподобным, глас 4:

Житейское море воздержанием безбедно преплысте/ и ко пристанищу мысленному безстрастия, радующеся, доидосте,/ преподобнии отцы наши Зосимо, Савватие и Германе,/ богомудрии и преблаженнии;/ молитве Христа Бога, спаситися душам нашим. **Дважды.**

Слава, и ныне, праздника.

Песнь 4

Ирмос: Пришел еси от Девы не ходатай, ни Ангел,/ но Сам, Господи, воплощся/ и спас еси всего мя человека./ Тем зову Ти: слава силе Твоей, Господи.

Умом и душею предочистившися, преподобнии,/ прелесть душепагубную всеконечно от себе отвергосте/ и, чувства своя к немутней тишине управивше,/ во оток морский, премудрии, вселистесь, воспевающе:/ слава силе Твоей, Господи.

Зако́ном Писания Священнаго и ра́зуму святых поучающеся,/ Зосімо, Савва́тие и Ге́рмане преподо́бнии,/ всякія добродѣтели образу навьіко́сте, му́дрей пчелѣ подобящеся,/ и пріятелище изрядно Ду́ху Свято́му, премудрии, бы́сте, воспевающе:/ сла́ва сіле Твоѣй, Го́споди.

Всяческими, преподо́бнии, светящеся чудодѣйствы/ и божественною озаряеми благодатию,/ всем позна́стеся сокровище исцелений неисто́щимо,/ страстѣй отгоняете омраче́ние/ и вра́жия низлага́ете ополче́ния, воспевающе:/ сла́ва сіле Твоѣй, Го́споди.

Богородичен: Из утробы Твоея, Чистая Отроковице, возсияв Божественное Со́лнце,/ сущія во тьме многобо́жия просвети́/ и в сѣни смѣртней седя́щая, Влады́чице, осия́,/ Емуже воспевающе зове́м:/ сла́ва сіле Твоѣй, Го́споди.

Песнь 5

Ирмос: Просвеще́ние во тьме лежа́щих,/ спасе́ние отча́янных, Христе́ Спа́се мой,/ к Тебе́ у́треннюю, Царю́ ми́ра,/ просвети́ мя сия́нием Твои́м,/ ино́го бо, разве Тебе́, бо́га не зна́ю.

Тѣсный путь пространному предпочѣтше,/ во отце́ морстѣм всяческа́я утеснения ра́достью претерпевали есте, преподо́бнии,/ божественными же поуче́нии ду́ши своя́ очищающе,/ на добро́ту Бо́жию неизглаго́ланную прісно взира́ли есте, преблаже́ннии.

Незло́биви, и кро́тцы, и ми́лостиви бы́сте, преподо́бнии,/ вся зло́бы и стрѣлы вра́жия до конца́ погубльше;/ те́мже, благодать от Бо́га свѣше пріѣмше, ми́лостивно нас посещайте́,/ любóвию святую́ па́мьять ва́шу почита́ющих.

Я́ко вели́кое со́лнце, вели́чием по́двиг ва́ших/ возсия́сте нам, Зосімо, Савва́тие и Ге́рмане преподо́бнии,/ земны́я осиявающе концы́/ и вся просвещающе свѣтом богора́зумия./ Те́мже мо́лим вы:/ просветите́ наш ра́зум, отцы́ преблаже́ннии.

Богородичен: От мно́жества воста́ющих на ны в болѣзни исче́зе живо́т наш,/ погрязо́хом в про́пасти безчи́сленных согреше́ний./ Спаси́ ны, Влады́чице, и возведи́ я́ко ми́лостива, Всенепоро́чная,/ Тебе́ бо і́мамы Еди́ну Предста́тельницу непобеди́му, раби́ Твои́.

Песнь 6

Ирмос: В бе́здне грехо́вней валя́яся,/ неизсле́дную милосе́рдия Твоего́ призыва́ю бе́здну:/ от тли, Бо́же, мя возведи́.

Ева́нгельски, преподо́бнии, Христа́ возлю́бльше, ми́ра отвраті́стеся,/ в непроходи́мыя же и в пусты́я ото́ки заше́дше,/ Еди́ному Влады́це своему́ прилепи́стеся,/ от Него́же и трудо́м воздая́ние пріѣмше, живото́у ве́чному я́ве причасті́стеся,/ за пою́щия вы мо́литеся.

Богомудрыми помыслы преудобрившися, преподобнии,/ и вся, яже на земли лстящая, яко уметы вменивше,/ к нестаряющему преставистеся блаженству. Ныне с лики во свете безплотных сил о Бозе присно сликовствуете, преблаженнии.

Странна и преславна, преподобнии, о Бозе содевающе чудеса,/ всем, иже в мори плавающим и зле страждущим,/ призываемы скоро предстаете, от бед избавляюще;/ и нас, бедствующих люте и напастями одержимых,/ милостивно представше спасайте, преблаженнии.

Богородичен: Грехá тяжкое бремя, еже отяготé на мне, Пречистая, облегчи:/ Ты бо еси Предстательница грешником преславная,/ Избавителя и Спаса рождши земным.

Кондак преподобным, глас 2:

Христовою любовью уязвившися, преподобнии,/ и Того крест на рамо вземше,/ понесли есте, божественно вооружившися на невидимыя враги/ и, непрестанныя молитвы яко копие в руках имуще,/ крепко победили есте бесовская ополчения;/ благодать Господню приемше целити недуги душ и телес/ притекающих ко святым мощем вашим,/ чудес лучи испущаете всюду./ Тем зовем вам:/ Радуйтесь, преподобнии отцы наши Зосимо, Савватие и Германе, монахом украшение.

Икос:

Кто доволен изрещи ваша чудодейния,/ преподобнии отцы Зосимо, Савватие и Германе?/ Мы убо, радостию и божественною любовью почитающе всехвальную и всечестную память вашу,/ от непостижного ума нашего недостойнии,/ малое сие пение приносим:/ Радуйтесь, исполненнии Христовы красоты,/ и пресветла от Него и преизобильна восприимшии вечнующая воздаяния:/ телесы убо вас морской остров прият,/ души же самое Небо,/ идеже почести трудов своих, прехвальный, восприяете от Христа всех Царя и Бога./ Темже молим вы:/ посещайте милостивно и молитесь непрестанно о всех нас,/ преподобнии отцы наши Зосимо, Савватие и Германе, монахом украшение.

Песнь 7

Ирмос: *Образу златому, на поле Деире служиму,/ трие Твои отроцы небрегóша безбожнаго веления,/ посредé же огня ввержени, орошáеми, пояху:/ благословен еси, Бóже отец наших.*

В молитвах бодренное, и в пощениях крепкое,/ и терпение во искушениях неослабное, ума чистотю, преподобнии, покажете,/ земли бо и земных достойно отступльше,/ Небесное обретосте наслаждение, воспевающе:/ благословен Бог отец наших.

Плод духовный и жертву непорочную, житие свое, преподобнии, Владыце принесосте,/ в воздержании бо всяцем поживите,/ от Негоже и почести трудом яко подвигоположницы восприемше,/ действуете преславная чудеса, воспевающе:/ благословен Бог отец наших.

Страстми колеблющихся и бурю греховную, преподобнии, погружаемых,/ яко великое к Богу дерзновение имуще, руководствуйте/ и всегда, премудрии, сохраняйте почитающих вас благочестно,/ яко да воспеваем:/ благословен Бог отец наших.

Богородичен: Избави нас от напастей и скорбей, и печалей различных,/ и иноплеменных нашествия, и междоусобных брани, Владычице Всепетая,/ яко да Тя славим и Сыну Твоему взываем:/ благословен Бог отец наших.

Песнь 8

Ирмос: Пещь иногда огненная в Вавилоне действия разделяше,/ Божиим велением халдеи опаляющая,/ верная же орошающая, поющая:/ благословите, вся дела Господня, Господа.

В пребывалища присно живущая вселитесь, преподобнии,/ нетленных благ наслаждающиеся и Трисолнечныя светлости исполняющиеся./ Нас, призывающих вы, теплым предстательством вашим от всех лютых спасайте, поющих:/ благословите, вся дела Господня, Господа.

Нам, любовью почитающим вас/ и честное ваше совершающим торжество,/ Христовы угодницы Зосимо, Савватие и Германе, преподобнии отцы,/ согрешением испросите оставление, и страстей пременение,/ и Божественнаго света осияние, поющим:/ благословите, вся дела Господня, Господа.

Троичен: О, Пребезначальное естество и Триипостасное единство,/ Отче и Сыне и Духе Пресвятый,/ прими о нас молитвенники Твоя преподобныя угодники/ и подаждь прегрешением разрешение, и житию исправление, и злых отчуждение,/ и сподоби ны в мире воспевати Твою державу:/ благословите, вся дела Господня, Господа.

Богородичен: Яко Единая рождающая безсеменным рождеством Христа Бога,/ Мати Безневестная Чистая,/ Сего милостива сотвори, Владычице,/ спасти рабы Твоя от насилия и мучительства вражия,/ вопиющая Христу Сыну Твоему:/ благословите, вся дела Господня, Господа.

Песнь 9

Ирмос: *Безначальна Родителя Сын, Бог и Господь,/ воплощся от Девы, нам явися,/ омраченная просветити, собрати расточенная./ Тем Всепетую Богородицу величаем.*

Выспрь к Богу имуще мысль, Зосимо, Савватие и Германе преподобнии,/ земная оставльше, Небесная восприяете, Богу и Спасу вас вельми прославльшу,/ трудов ради ваших и воздержания неослабнаго./ Сего ради почитаем вас, преблаженнии.

Ихже благ, преподобнии, получите/ и Небесная славы, еже от Бога сподобитесь,/ и Ему же вину предстояще, молитесь и нам неотлученным быти, молим вы,/ радостию и божественною любовью почитающим подвиги ваша, всечестнии.

О, божественнии и богомудрии отцы Зосимо, Савватие и Германе!/ Мирови мир от Бога низпослатися испросите,/ Церквам соединение, святей обители вашей утверждение/ и всем православным христианом предстательство и спасение, преблаженнии.

Богородичен: *Пощади мя, Христе Спасе,/ пощади молитвами Рождшия Тя, и всех святых Твоих,/ егда сядеши судити делом моим,/ беззакония и грехи моя презри, яко Един безгрешен./ Мир же подаждь и спасение воспевающим Тя,/ Милостиве Боже и Человеколюбче.*

Светилен преподобным:

Мирскаго пристрастия, яко скверны уклонившися/ и алчбою плоть умертвивше, блаженнии,/ Небесною славою со Ангелы обогатитесь,/ темже непрестанно о нас молитесь Христа Бога,/ преподобнии отцы наши Зосимо, Савватие и Германе. **Дважды.**

Слава, и ныне, праздника.

На хвалитех стихире преподобным, глас 8.

Подобен: О, преславнаго чудесе:

Имеюще божественную благодать учителя,/ целоумием вас наставляюще/ к желанию божественному,/ отнюдуже мирскаго мятэжа отрелись есте/ и к разуму истинному возвелись есте,/ болезненными же себе труды умудряюще,/ покорили есте лучшему худшее,/ Зосимо, Савватие и Германе преподобнии,/ молитесь спастися нам.

Преподобнии отцы/ Зосимо, Савватие и Германе,/ любви ради Христовы,/ вся еже на земли презрели есте/ и, в пустыню вселившися,/ плотския похоти мудрование умертвили есте,/ постническими труды свое житие уяснили есте,/ тем и Христос даром чудес обогатил вас./ Поминайте нас, чтущих память вашу, досточуднии.

Добродетели стяжали есте,/ преподобнии Зосимо, Савватие и Германе,/ имиже Богу/ приблизитесь разумеваяще,/ к Тому востекли есте/ и присно ходатайствуете о нас,/ еже мирно житие преити,/ спастися от соблазна лстываго/ и святых радости общником быти.

Приидите, вси хотящии исцеления,/ и почерпите вино души веселящее,/ никакоже сумнящиеся,/ исполнь бо честнейшая чаша/ преблаженных отец наших/ Зосимы, Савватия и Германа,/ изливает всем/ приходящим с верою,/ душам и телесем здравие.

Слава, глас 6:

Преподобнии отцы наши Зосимо, Савватие и Германе,/ во всю землю изыде вещание исправлений ваших,/ темже и на Небесех обресте мзду трудов своих:/ бесовския полки погубите/ и ангельским чином совоюсьтеся,/ ихже житию добре поревновасте./ Дерзновение имуще к Богу,/ мира просите душам нашим.

И ныне, праздника, глас 8. Византиево: Поют Христос Петра, Иакова и Иоанна:

Славословие великое. Ектений, и отпуст.

На Литургии

Блаженна праздника, от втораго канона песнь 3-я, на 4 и преподобным, песнь 6-я, на 4. Прокимен праздника, глас 4: Яко возвеличишася дела Твоя Господи, вся премудростию сотворил еси. И преподобным, глас 7: Честна пред Господем/ смерть преподобных Его. Стих: Что воздам Господеву о всех, яже воздаде ми? Апостол к Галатам, зачало 213. Аллилуиа, праздника, глас 8. И преподобным, глас 6: Блажен муж бояйся Господа, в заповедех Его восхощет зело. Стих: Сильно на земли будет семя Его. Евангелие от Луки, зачало 24. Причастен праздника: Господи, во свете лица Твоего пойдём, и о Имени Твоем возрадуемся во веки. И преподобным: В память вечную будет праведник, от слуха зла не убоится.

Молитва, чтемая в Соловецкой обители

О, преподобнии и богоноснии отцы наши Зосимо, Савватие и Германе, земнии ангели и небеснии человецы, ближнии друзи Христовы и угодницы Божии, обители ваша слава и украшение, сея же северная страны, паче и всего Православнаго Отечества нашего неборимая стена и великое заступление! Се мы, недостойнии и многогрешнии, с благоговейною любовью ко святым мощем вашим припадающе, духом сокрушенным и смиренным сердцем прилежно вопием: молитв не престанно благосердаго Владыку и Господа нашего Иисуса Христа, яко дерзновение велие к Тому имущии, да не отступит от нас Его вседействующая благодать, покров же и заступление Пресвятыя Владычицы нашей Богородицы на месте сем да пребудет, и да не оскудеют никогдаже истиннии ревнители ангельскаго жития во святей обители сей, идеже вы, богоноснии отцы и начальницы, безмерными труды и пощении, токи же слезными и всеночными бденими, непрестанными молитвами и молении начало иноческому житию положиште. Ей, угодницы святии,

моли́твенницы к Бо́гу благоприя́тнейшии, тёплыми ва́шими к Немѹ мо́льба́ми оградите и сохраните ны и свято́е селѣние сие ва́ше от тру́са, пото́па, огня и мечá, нашѣствия иноплемѣнных и смертоно́сныя я́звы, от вражды́ и нестро́ений, от бед и ско́рбей и от всякаго зла, да непреста́нно на ме́сте сем, в ми́ре и безмо́лвии, благоче́стно сла́вится пресвято́е и́мя Го́спода и Бо́га, и обрета́ют вѣчное спасѣние и́щущии Его́. О преблаже́ннии отцы́ на́ши Зо́симо, Савва́тие и Ге́рмане! Услы́шите ны, грѣшныя, во святе́й обители ва́шей и под кро́вом ва́шего защи́щения недосто́йно жи́тельствующия, и благомо́щными ва́шими к Бо́гу ходата́йствы испросите ду́шам на́шим грехо́в оставле́ние, жити́я исправле́ние и вѣчных благ восприя́тие в Небе́сном Ца́рствии; всем же ве́рующим, и́же на вся́ком ме́сте и во вся́кой ну́жде призыва́ют вас в по́мощь и заступле́ние, и и́же с благоговѣ́йною любо́вию во обитель ва́шу притека́ют, не преста́ните излива́ти вся́кую благода́ть и ми́лость, сохраня́юще их от вся́кия сопро́тивныя си́лы, от вся́кия напа́сти и от всякаго зла́го обстоя́ния, и пода́юще им вся по́требная к ду́шевней и телѣсной по́льзе. Наипа́че же мо́лите Преми́лосердаго Бо́га, да оградит Це́рковь Свою́ Святу́ю от всех враговъ ви́димых и неви́димых, Оте́чество наше да сохранит в ми́ре и ти́шинѣ, право́верии и благоче́стии, и всем нам дарует любовь и единомы́слие, да прославим Отца́ и Сына́ и Святаго́ Ду́ха ны́не и присно́ и во ве́ки веко́в. **Ами́нь.**

И́на моли́тва

О, преподо́бнии отцы́, вели́цыи заступни́цы в ско́рби и услы́шательные моли́тв, уго́дницы Бо́жии и чудотво́рцы Зо́симо, Савва́тие и Ге́рмане! Не забу́дите, я́коже обеща́стесь, посещáти ча́да ва́ша. А́ще бо и отыдо́сте от нас те́лом, но ду́хом присно́ с на́ми пребыва́ете. Мо́лим у́бо вы, о преподо́бнии: изба́вите ны от огня́, от нашѣствия иноплемѣнников и междоусо́бныя бра́ни, от тлетво́рных ве́тров, и от напрáсныя сме́рти, и от всех прило́гов бесо́вских, находя́щих на ны. Услы́шите нас грѣшных, и приимите моли́тву сию́ и мо́ление на́ше, я́ко кади́ло благово́нное, я́ко же́ртву благоуго́дну, и ду́ши на́ша, злы́ми де́лы и сове́ты и по́мыслы умерщвлѣ́нныя, оживи́те, и, я́коже умершу́ю отрокови́цу возста́viste, я́коже неисцѣльныя ра́ны мно́гих исцели́сте, от духо́в нечи́стых зле му́чимых изба́viste, та́ко и нас, содержи́мых во у́зах вра́жиих, изми́те, и от сетѣ́й диа́вола изба́вите, из глубины́ прегрѣше́ний изведи́те, и ми́лостивым ва́шим посещѣ́нием и ходата́йством от всех враго́в ви́димых и неви́димых оградите ны, да прославим Всесвяту́ю Тро́ицу Отца́ и Сына́ и Святаго́ Ду́ха ны́не, и присно́, и во ве́ки веко́в. **Ами́нь.**